

TE MAU PĪAHI 'E TE MAU METUA

PARAU FA'AARA N°2 COVID 19

17/03/2020 i te hora 8 i te po'ipo'i

- Te mau ti'a e ti'a'au nei teie parau : E nehenehe te mau fa'atere ha'api'ira'a nō te tuarua 'e te tuatahi e pāhono atu i tā 'outou mau uira'a.
- **Nō te mau uira'a i te mau ta'ata rave 'ohipa nō te ea i ni'a i te COVID19, 'a niuniu atu i te 444 789**
- **Nūmera niuniu rū 15**
- Parau fa'aarara'a 'e te mau uira'a e 'ite-pinepine-hia nei :
[https://www.service-public\(pf/dsp/covid19/](https://www.service-public(pf/dsp/covid19/)

Te mau fa'aotira'a i ha'amauhia i Pōrīnetia farāni

'Ia au te fa'aotira'a a te Fa'aterera'a Hau fenua nō Pōrīnetia farāni 'e te Tōmitērara'a teitei :

1 - E 'ōpanihia te mau fare ha'api'ira'a nō te tuatahi 'e te tuarua a te Hau 'e 'e're nā te Hau i te mahana toru 18 nō māti 2020 'ia fa'aoti te ha'api'ira'a.

2 – Mai te monirē pō 16 nō māti, 'ua fa'anahohia te fa'aho'ira'a tamari'i i roto i te mau 'utuāfare. Nō te mau ha'amāramaramara'a hau atu 'a niuniu atu i te fare ha'api'ira'a.

3 – 'Ua fa'anu'uhia mai te fa'aeara'a ha'api'ira'a. E ha'amata i te mahana mā'a 21 nō māti 2020, e tae atu i te tāpati 5 nō 'ēperēra 2020. E ha'amauhia te hō'ē fa'auera'a mana e te 'āpo'ora'a Hau fenua.

4 – 'Ia au te huru o te ea i Pōrīnetia farāni, e fa'aotihia te 'ōpanira'a o te mau fare ha'api'ira'a mai te monirē 6 nō 'ēperēra 2020. E fa'anahohia te hō'ē rāve'a nō te tāmau-noa-ra'a i te ha'api'ira'a i te fare.

5 – E ha'ataimehia te mau hi'opo'ara'a, te mau tau ha'api'ipi'ira'a tōro'a mai te 19 nō māti. Nō te ha'amata fa'ahoura'a, e fa'aarahia atu 'outou i muri a'e.

Te ha'api'ira'a i te fare

Mai te peu e vai 'ōpani noa te mau fare ha'a pi'ira'a mai te **6 nō 'ēperēra**, e fa'anaho te mau fare ha'api'ira'a i te hō'ē rāve'a nō te tāmau-noa-ra'a i te ha'api'ira'a. E fa'a'ohipahia te mau rāve'a ihi roroura (rata uira, mauha'a Sacohe nō te tuatahi, mauha'a Pronote nō te tuarua).

E rave te mau tamari'i i tā rātou ha'api'ira'a i te fare 'ia au i te mau fa'auera'a a te mau 'orometua ha'api'i e fa'atae atu. E vai tāmau noa te ha'api'ira'a i te fare.

'Ua ha'amauhia te tahua natirara a te CNED. Teie te mau tīhonora'a :

ecole.cned.fr

<https://ecole.cned.fr/>

college.cned.fr

<https://college.cned.fr/>

lycée.cned.fr

<https://lycee.cned.fr/>

Te mau tere

Tē vai 'ōpani 'eta'eta noa ā te mau tere ihi ha'api'ira'a 'e te mau tere i roto 'aore rā i rāpae ia Pōrīnetia farāni e tae roa atu i te taime 'a fa'aoti ai te ha'api'ira'a, i te mahana toru 18 nō māti.

E mea au a'e 'eiaha e tere nā te ara. E fa'aitihia mai te mau tere i roto i te mau motu 'aua'a te fa'aho'ira'a i te mau tamari'i, tei fa'aotihia nō teie hepetoma.

E ha'amo'emo'ehia 14 mahana te maoro te mau ta'ata ato'a tei tae mai nā te ara i Pōrīnetia farāni.

'A HA'A 'ĀMUI ANA'E NŌ TE PĀRURU I TE FENUA.

Te mau rāve'a ato'a nō te pāruru 'ia tātou i teie ma'i COVID19

 **'A HOROI** pinepine i te rima mā te fa'a'ohipa i te pu'a.

 **'A FA'AITI** i te tāpari i te ta'ata. 'Ia vai noa 1 mētera te atea e te tahi atu mau ta'ata, te mau ta'ata ihoa ra e hota nei, e tihe nei 'aore ra tei fīvahia.

 **'A FA'A'OHIPA** i te mau horoi fa'a'ohipa 'ōtahi, 'a fa'aru'e i roto i te vaira'a pehu tāpo'ihia 'e 'a horoi i tō 'outou rima.

 **'A HOTA 'E 'A TIHE** i roto i tō 'outou fatira'a rima.

 **'A NIUNIU I TE 15** 'ia fīva-noa-atu-hia 'outou, 'ia hota noa 'outou 'aore ra tē fifi nei 'outou nō te huti i te aho.

'Ei ha'amana'ora'a i te mau fa'auera'a

I teie fa'aeara'a ha'api'ira'a, 'a fa'aiti i te mau tere huru rau o te mau tamari'i.

'Ia fa'atura te tā'ato'ara'a i te mau rāve'a ato'a nō te pāruru, e pāruru ato'a īa tātou i tō tātou fenua.